



# Сыр бойы

14 желтоқсан, сенбі 2024 жыл

№192-193 (20866-20867)

Қызылорда облыстық қоғамдық-саяси газет. 1929 жылдың 1 шілдесінен шығады



www.facebook.com/syrboyi.kz

www.instagram.com/syrboyi\_kz

t.me/syrboyi\_kz

twitter.com/syrboyi

## /// ПРЕЗИДЕНТ

### ЕЛГЕ ҚЫЗМЕТ ЕТУ – АЗАМАТТЫҚ БОРЫШ

Президент Қасым-Жомарт Тоқаевтың Жетісу облысына сапары Қаратал ауданында жалғасты. Мемлекет басшысы Ескелді би ауылында биыл пайдалануға берілген мәдениет үйі мен спорт кешенінің ғимараттарын аралап көрді.

Жергілікті бюджет есебінен бой көтерген 150 орындық мәдениет үйінде кітапхана, әжелер мен домбырашылар ансамбльдері, би үйірмесі секілді ұжымдар орналасқан.

Мемлекет басшысы ауыл кітапханасымен танысты. Сондай-ақ өнерпаз балалармен жүздесіп, еліміздің лайықты азаматы болып өсуіне тілектестік білдірді.

Президент мәдениет үйіне музыкалық жабдықтар мен суретші Ә.Баяндиннің картинасын тарту етті. Биыл облыстың шалғай ауылдарындағы бес мәдениет үйі күрделі жөндеуден өтіп, сегіз клуб жаңадан салынған. Сонымен қатар бұқаралық спортты дамыту мақсатында елді мекендерде 15 шағын спорт нысаны ашылды. Соның бірі – Ескелді би ауылындағы спорт кешені. Ауыл тұрғындары мұнда тоғызқұмалақ, шахмат, дойбы үйірмелеріне, бокс, күрес, волейбол, баскетбол секцияларына қатысады. Президент ауыл ба-



лаларымен әңгімелесіп, мемлекет тарапынан өскелең ұрпақтың алаңсыз білім алуына, спортпен айналысуына қолайлы жағдай жасалатынын жеткізді.

Бұдан кейін Мемлекет басшысы Үштөбе қаласында орналасқан

Кемел Тоқаев атындағы орта мектепке барды. Қасым-Жомарт Тоқаевқа мектеп директоры Ләззат Испанова оқушылардың жетістіктері туралы айтып, жазушы мұражайымен таныстырды. 1997 жылы құрылған музейге қаламгердің

тұтынған заттары, фотосуреттері, құжаттары мен кітаптары қойылған. Президентке жазушының өмірі мен шығармашылығына арналған зияткерлік ойын және повестерінің желісі бойынша шағын қойылым көрсетілді.

2-бет

## /// РЕСПУБЛИКАЛЫҚ СЕМИНАР

### «АУЫЛ АМАНАТЫ»: ҚЫЗЫЛОРДАНЫҢ ТӘЖІРИБЕСІ ӨЗГЕ Өңірлерге Ұсынылды

Бейсенбі күні облыс әкімдігінде «Ауыл аманаты» бағдарламасын іске асыру барысы талқыланған республикалық семинар өтті.

3-бет

### ӘЛЕУМЕТТІК САЛАНЫҢ ӘЛЕУЕТІ – ҚОҒАМ АЙНАСЫ

ҚР Премьер-министрінің орынбасары Тамара Дүйсенова, облыс әкімі Нұрлыбек Нәлібаев Н.Бекжанов атындағы театрда, «Оқушылар сарайында», С.Ысқақов атындағы Қызылорда құрылыс және бизнес колледжінде мектепке дейінгі, орта, техникалық, кәсіптік білім беру ұйымдарының қызметкерлерімен кездесті.

3-бет



### ҒАСЫРЛЫҚ ҒҰМЫР ҒИБРАТЫ

Биыл – Халық жазушысы, Қазақстанның Еңбек Ері, КСРО Мемлекеттік сыйлығының лауреаты, майдангер Әбдіжәміл Нұрпейісовтің туғанына 100 жыл.

Қаламгердің ғасырлық мерейтойына орай жерде іс-шаралар ұйымдастырылуда. Бұған дейін жазушының туған жеріндегі Беларан төбеде рухына бағышталып ас берілді. Алматы қаласында Қазақ ПЕН клубы және Қазақстан Жазушылар одағының мұрындық болуымен халықаралық деңгейде екі бірдей ғылыми-танымдық конференция өтті. Облыс әкімінің қолдауымен жарыққа шыққан «Біздің Әбе» атты естелік кітаптың тұсауы кесіліп, тұрған үйіне тақта ілінді. Іс-шаралар 8-9 қараша күндері Аралда жалғасын тауып, қонақтар ұлы жазушының әдебиет үйіне экскурсия жасады. Қазақ күресінен республикалық турнир және халықаралық суретшілер симпозиумы өтіп, шығармашылық байқау қорытындыланды.

Әбдіжәміл Кәрімұлының 100 жылдығына орай 18 желтоқсанда Қызылорда қаласындағы «Өнер орталығында» «Әлем таныған Әбе» атты еске алу кеші ұйымдастырылмақ. Ал 19 желтоқсан күні Арал ауданында қорытынды іс-шаралар өткізіледі. Ә.Нұрпейісовтің әріптестері, ізбасарлары, шәкірттері, жалпы қазақ әдебиетінің бүгінгі көрнекті өкілдері, ақын-жазушылар қатысатын іс-шаралар аясында «Балықшылар аллеясы», мұражаймен, жаңадан пайдалануға берілетін нысандармен, Ә.Нұрпейісовтің әдебиет үйімен танысу және «Құрмет кітабына» естелік жазба қалдыру рәсімдері бар. Сондай-ақ «Әбдіжәміл – феномен» атты жазушының шығармашылығы мен өмір жолына арналған көрме және суретшілер симпозиумында салынған туындыларды тамашалауға болады.

Аралдағы аудандық мәдениет үйінде «Ғасырлық ғұмыр ғибраты» атты республикалық ғылыми-танымдық конференция өткізіледі. Қаламгердің рухына бағыштап ас беру, түстен кейін «Қуатты қалам иесі» атты республикалық парасатты поэзия фестивалі және «Қан мен тер» романының желісі бойынша қойылатын спектакль қазақ әдебиетінің абызын дәріптеуге арналған іс-шараларды толықтыра түспек.

Әгілі қаламгердің шығармашылығы мен тұлғалық болмысы турасында естеліктерді газеттің 4-5 беттерінен оқи аласыздар.

## /// САПАР

### АУЫЛҒА ҚАМҚОРЛЫҚ – БОЛАШАҚҚА ҚАМҚОРЛЫҚ



Тәуелсіздік күні қарсаңында «Ауыл аманаты» жобасына қатысушылар арасындағы үздік шаруашылыққа арналған республикалық конкурс қорытындыланды. Бұл туралы «AMANAT» партиясының баспасөз қызметі хабарлады. Іс-шараға Мәжіліс спикері, «AMANAT» партиясының төрағасы Ерлан Қошанов, Премьер-министрдің орынбасары Тамара Дүйсенова, Премьер-министрдің кеңесшісі Ералы Тоғжанов, Қызылорда облысының әкімі Нұрлыбек Нәлібаев қатысты.

Өз сөзінде Ерлан Қошанов осы күні халықтың шамамен 40%-ы ауылдық жерлерде тұратынын, сондықтан Президент Қасым-Жомарт Тоқаев өзінің сайлауалды бағдарламасында ауыл тұрғындарының тұрмыс жағдайын жақсарту және өл-ауқатын арттыру мәселесіне ерекше назар аударғанын атап өтті.

– Мемлекет басшысының тапсырмасы бойынша «AMANAT» партиясы ел игілігі үшін белсенді жұмыс істеп жатқан «Ауыл аманаты» жобасын іске қосты. Биыл біздің партия жобаға қатысушылар арасындағы үздік шаруашылықтар мен кооперативтерді жұртқа көрсету үшін арнайы конкурс өткізді.

2-бет

## /// ӨРКЕН

### ЖЕТІ ҚАБАТТЫ ҮЙЛЕРГЕ ТҮРҒЫНДАР ҚОНЫСТАНДЫ

Тәуелсіздік күні қарсаңында облыс әкімі Нұрлыбек Нәлібаев тұрғын үй кезегіндегі азаматтарға жеті қабатты 84 пәтерлік 6 жаңа тұрғын үйдің кілтін табыстады. Рәсімге Сыр өңіріне жұмыс сапарымен келген Премьер-министрдің орынбасары Тамара Дүйсенова, жауапты сала басшылары, еңбек ардагерлері мен қала тұрғындары қатысты.

2-бет















# ЭТНОСОЗДІК – ЗАМАНАУИ ТІЛДІК ҚҰРАЛ

Биыл тіл ғылымына өткен ғасырдың орта тұсында санаулы ғана қазақ түркітанушыларының бірі ретінде келіп, өзінен бұрынғы ғұламалардың салып кеткен сара жолынан таймастан өмірінің 60 жылын түркі және қазақ тіл ғылымының дамуына арнаған, жас тілші-ғалымдардың ғылыми да, рухани да әкесіне айналған академик Әбдуали Тұғанбайұлы Қайдардың 100 жылдығы. Тіл ғылымының алуан түрлі салаларына қалам тарта отырып, оларды ғұмырының өзегіне айналдырған осы бір салмақты, қарапайым да қайратты азаматтың есімін тілсүйер қауымның өмір бойы қастерлеп өтері сөзсіз.

Қазақ тіл біліміне Ә.Қайдар арқылы жаңа бір бағыт болып қосылған «Этнолингвистика» саласына ғалым өмірінің 30 жылдан астам уақытын жұмсап, оны өзіндік ғылыми мектепке айналдырғаны белгілі. Сол еңбегінің қорытындысы – талай жылғы мақалалары мен зерттеу еңбектерінің жалғасы «Қазақстан тілі әлемінде» аталатын «Этнолингвистикалық сөздігі». Бұл, сөзсіз, бұрынғы сөздіктерден ерекше түсіндірмелі мағыналық сипатымен, өзіндік құрылыммен қазақ тіл біліміне қосылған құнды еңбек болып есептеледі. Бірақ осы бір теңдессіз еңбекті оқып, бұған дейінгі көп сөздіктің бірі емес екенін түсініп, оны өмірде қолдана білудің жалпы қазақ оқырманы үшін қаншалықты маңызды екенін екінің бірі біле бермеуі мүмкін. Мақала мақсаты осы бір пайдалы іске жол сілтеу еді.

Ұш кітаптан тұратын «Сөздік» мазмұнына мұқият зер сала отырып, еңбектің мынадай құндылықтарына көз жеткіздік: біріншіден, «Сөздік» жас ізденушілерді тілді ғылыми тұрғыдан жаңаша зерттеуге бағыттайды, екіншіден, тіл байлығын молайтып, оялау жүйесін, сөйлеу тілін арттырудағы білімдік маңызы зор, үшіншіден, тәрбие құралы да бола алады.

Еңбекте адамды дүниедегі жаратылыстың жоғары сатысына қойып, оның танымы негізінде пайда болған аталымдарға этносқа тән қосымша түсінік беру барысында талай-талай тың ойлар мен болашақ ғылым үшін қажетті пікірлер айтылады.

Еңбекте адамды дүниедегі жаратылыстың жоғары сатысына қойып, оның танымы негізінде пайда болған аталымдарға этносқа тән қосымша түсінік беру барысында талай-талай тың ойлар мен болашақ ғылым үшін қажетті пікірлер айтылады.

«Табиғат» аталатын 3-кітапта табиғатқа байланысты пайда болған тілдік бірліктерге түсінік беру арқылы жаңа ізденістерге арқау болар атауларға этностық түсінік беруін жалғастырады. Ондағы Жер, Су, Ауа, Топырақ, Аспан әлемі, т.б. тақырыптағы аталымдар ішінде адамдардың, әсіресе жастардың білетінінен білмейтіні көп. Мысалы, қолат, оқап, сұлама, тартпа, т.б. сөздерімен, кей жер-су атауларымен бірге жерасты қазба байлықтарына қатысты атаулар ішінде ғылыми ізденіске сұранып тұрғандары жетерлік.

Қалай десек те, «ошақтың үш бұтұндай» бірінші-бірі жалғасы, тіпті-бірі толықтыратын бұл кітаптан тұрастай бір толыққанды ғылыми еңбек ретінде қазақ тіл білімі ғылымының қорынан маңгілікке орын алатындығына, сонымен бірге жас ұрпақты ғылым жолына бағыттайтын алтын көпір болатынына сенім мол.

Мысалы, «Адам» аталатын алғашқы кітабында ғалымның «Адамға» «жер бетіндегі ең саналы тұлға», «күрделі, қыры мен сырғы мол құбылыс», «ең күшті, ең күдіретті», «жер бетіндегі дана, ақыл-парасатты жан» тәрізді сипаттамалар берген «...Бүгінде Адам баласының қол жеткен табыстары, көтерілген өркенімен биігі, сайып келгенде, сол Адам қабілетінің, ақыл-парасатының, саналы ойының жемісі...» деп қорытады. Одан әрі «Сөздіктің» тараулары мен ондағы тақырыпшалар мазмұны оқырманды қалайда бір тылсым ізденіске, адам табиғатын, түрлі қасиеті мен сипатын, тілі мен ділін, тіршілік-тынысын, оның таным философиясын тереңнен білуге ұмтылдыратыны анық.

Ал сөздіктің білімдік жағына келсек, шындығында, еңбектеген баладан, еңкейген картқа дейінгі өзін қазақып, Қазақстан азаматымын деп есептейтін білімге құштар, өз тілін сүйетін, тілінің байлығын молайтқысы келетін әр адам осы кітаптардан іздегенін таба алады және қазақы (этностық) ой-түсінігін молайтуға жол ашады. Сондықтан бұл еңбек адамның ұстаз-тәрбиешілердің, қала берді, қарапайым ата-ана ретіндегі халықтың стол үстінде тұратын, жанынан ажырамаз асыл дүниесі болуға тиіс деп ойлаймыз.

«Қазақ этносының шежіресі» аталатын тараудан басталатын 2-кітаптың алғашқы беті шежіреге байланысты көптеген атаулар мен терминдерге түсінік беруден басталады. Мысалы, «үш жүз, жүзге бөліну» деген тіркестерде кездесетін «күз» сөзінің мән-мағынасын сөздік былайша түсіндіреді: «Қазақ жерінде ежелгі замандардан бері мекен еткен көшпелілердің тарихи тағдыры және шаруашылық кәсібі өзара тектес қауымдастықтардың бірігуінен 15-16 ғасырларда қалыптасқан ру-тайпалық бірлестік. Мұндай бірлестіктердің пайда болуына олардың шаруашылығы мен күнделікті күнкөрісінің сипаттары, сыртқы жаулардан қорғану, жаңа жерлерді игеру мақсаттары айтарлықтай ықпал еткен». Әрине, мұндай түсінікті тарихпен тығыз байланысы бар адам білуі мүмкін, бірақ кез келген адамның, әсіресе жас ұрпақтың, бұл сөзді дәл осы тұрғыда ұғына бермейтінін, тіпті оны басқаша түсінікте қабылдайтын-дардың да бар екенін жасыра алмаймыз. Сондықтан сөздікте молынан кездесетін осы тәріздес тарихи маңызы бар ұғымдарды оқушыларға түсіндіруде ұстаздың соған қатысты нақты фактілерді өзінкі көбірек білуі тиіс. Қазақ халқының басынан өткен небір

### ТАҒЫМ



# ШӘКІРТТЕРІН ШЫҢҒА БАСТАҒАН

Оспанов Аманжол Әбжаппарұлы 1941 жылдың 8 желтоқсанында Шиелі ауданында дүниеге келген. Әкесі Әбжаппар атамсыз әскерге шақырылғанда кіндігінің байланғанына небәрі бір апта болған екен. Бар ауыртпалық анасы Тұрсынқұл әжемізге түсті. Бала Аманжол жеті жасынан бастап үлкендердің ізін басып, егіс алқабында жұмысқа араласты. Кішкентайынан зерек болып өскен бала мектепте оқып жүріп, жазу-сызуға қатты құмар болды. Әсіресе, әдебиет пәнін аса қызығушылықпен оқиды. Қойын дәптерін кай жерде не көргенін, не үйренгенін жазып, естелік етіп жүрді. Сегізінші сыныпта оқып жүріп-ақ Шиелі аудандық газетіне мақала бере бастайды. Онысын бүкіл ауыл жинала оқитын.

Олар 110 рет одақтық, республикалық жарыстардың жеңімпаздары, жүлдегерлері атанды. Кейбір шәкірттері медицина училищесін тәмамдағаннан кейін үлкен спортқа бет бұрып, бапкер мектебін әрі қарай шыдап, өздері де Әлем, Азия чемпионаттарында табысты өнер көрсетіп жүрген жас палуандарды шығарып қазақ спортына асқатқанды.

Хабарландыру «Қазақстан Республикасының әкімшілік аумақтық құрылысы туралы» Қазақстан Республикасының «Әкімшілік-аумақтық бірліктерге, елді мекендердің құрамдас бөліктеріне атау беру, оларды қайта атау, сондай-ақ олардың атауларының транскрипциясын нақтылау өзгерту кезінде тиісті аумақ халқының пікірін ескеру қағидаларын бекіту туралы» Қазақстан Республикасы Үкіметінің

Жарнама. Жарнама. Жарнама «Сыр бойы», «Қызылординские вести», «Ақмешіт апталығы», «Ақмешіт жастары» және аудандық басылымдарға жарнама орналастырғыңыз келсе: 70-00-52 телефоны арқылы байланысуға болады. E-mail: smjarnama@mail.ru

